




Broj: 05-01-I-AE- 1743/17
Sarajevo, 25.05.2017. godine

SKUPŠTINA KANTONA SARAJEVO
N/R PROF. ANA BABIĆ, PREDSDJEDATELJICA

PREDMET: Odgovor na poslaničku inicijativu

Poštovana,



Vašim aktom 01-05-18801/16 od 02.06.2016. godine dostavljena nam je zastupnička inicijativa Segmedine Srna Bajramović, zastupnice u Skupštini Kantona Sarajevo, pokrenuta na 27. Radnoj sjednici Skupštine Kantona Sarajevo održanoj 10.04.2017. godine kojom se od Ministarstva zdravstva Kantona Sarajevo i Zavoda zdravstvenog osiguranja Kantona Sarajevo traži da "hitno utvrde sve relevantne činjenice po osnovu svih navoda kada je u pitanju problem ove djece, te izvijesti Skupštinu o nalazima i aktivnostima koje su poduzete kako bi se navedena situacija dugoročno riješila". Pomenuti navodi se temelje na "informaciji da najmanje 70-ero djece, rođene sa srčanim manama, mjesecima ne može biti operisano, jer Klinički centar Univerziteta Sarajevo nije nabavio potrebne materijale, dok su najbolji stručnjaci iz oblasti dječije kardiohirurgije napustili Klinički centar, predstavlja dramatičnu situaciju koja slikovito prikazuje stanje u koje nam je zdravstveno dovedeno kvazi reformama".

U vezi sa navedenim, obavještavamo Vas da je finansiranje pomenutih zahvata regulisano Odlukom o utvrđivanju prioriternih vertikalnih programa zdravstvene zaštite od interesa za Federaciju Bosne i Hercegovine i prioriternih najsloženijih oblika zdravstvene zaštite iz određenih specijalističkih djelatnosti koje će se pružati osiguranim licima na teritoriji Federacije Bosne i Hercegovine ("Službene novine FBiH" 8/05, 11/07, 44/07, 97a/07, 52/08), a čije finansiranje se vrši sredstvima Federalnog fonda solidarnosti.

Finansiranje zdravstvenih usluga osiguranicima ovog Zavoda koje nisu utvrđene prethodno pomenutim aktom, a sastavni su dio prava na obavezno zdravstveno osiguranje, se finansiraju iz sredstava ovog Zavoda, na način i prema strukturi Finansijskog plana Zavoda kojeg je usvojila Skupština Kantona Sarajevo ("Službene novine KS" 2/17) i sklopljenog ugovora o pružanju zdravstvenih usluga osiguranicima. Zavod uredno izmiruje svoje obaveze kroz mjesečne tranše u koje je uključeno i finansiranje materijalnih troškova zdravstvenih ustanova.

S poštovanjem,

Pripremila:

[Redacted]
Anesa Eminović, mr. ph. spec.
Pomoćnik direktora za medicinske
i farmaceutske poslove

Kontrolisao:

[Redacted]
Hikmet Arnautović
Pomoćnik direktora za pravne poslove

[Redacted]
Mr.sc.pec.prim.spec.dr. Samir Turkovic

CO:

- Ministarstvo zdravstva Kantona Sarajevo